

# Offerynnau Statudol Negyddol Arfaethedig sydd ag Adroddiadau Clir

## 06 Rhagfyr 2021

### **Pn(6)002 - Rheoliadau Gwybodaeth am Fwyd (Cymru) (Diwygio) 2021**

#### **Gweithdrefn: Negyddol Arfaethedig**

Gwneir y Rheoliadau hyn drwy arfer y pwerau a roddir gan baragraff 31(1)(a) a pharagraff 27 o Atodlen 5 i Ddeddf yr Undeb Ewropeaidd (Perthynas yn y Dyfodol) 2020.

Mae'r Rheoliadau hyn yn gweithredu Erthygl 5 o Atodiad 15 i'r Cytundeb Masnach a Chydweithredu rhwng yr UE a'r DU ("CMCh"). Mae Atodiad 15 i'r CMCh yn gwneud darpariaeth ar gyfer masnachu gwin ac mae Erthygl 5 yn darparu ar gyfer mesurau trosiannol sy'n ymwneud â labelu a rhoi ar y farchnad win a gynhyrchwyd cyn dyddiad dod i rym y CMCh. Mae Rheoliad 2 yn gwneud diwygiadau canlyniadol i Reoliadau Gwybodaeth am Fwyd (Cymru) 2014 i sicrhau y gellir parhau i werthu gwin hwnnw.

Cafodd y Rheoliadau hyn eu gosod at ddibenion sifftio o dan Ddeddf yr Undeb Ewropeaidd (Perthynas yn y Dyfodol) 2020 yn unol â Rheol Sefydlog 27.9A.

**Deddf Wreiddiol:** Ddeddf yr Undeb Ewropeaidd (Perthynas yn y Dyfodol) 2020

**A Fodlonwyd y Gofynion Sifftio:** Do

**Rydym yn cytuno mai'r weithdrefn penderfyniad negyddol yw'r weithdrefn briodol ar gyfer y Rheoliadau hyn.**

